

沅陵縣志卷四十六

藝文六

國朝

鑑谿菴洞

余子錦

乾谿古鑑谿也劉禹錫道經於此曾鑑白髮焉後好事者碑之卒災於水鑑谿二洞一曰菴洞洞無名以其地名之地之洞不一以其菴別之夫二洞皆列道旁竟不得一名以表誌當時然則物之裕於中而歉於外以孤高自尚者甯第茲洞歟為作

鑑谿二洞詩

沅陵縣志

卷四十六 藝文

鑑谿山水惡山大水不清一泓極清者入洞潛其名我來訪遠公射窗飛水聲初疑斷雲瀑詢之乃洞鳴舍聞以趨見必欲洞中行所隔幾何許山腰天削成石路苔不涇未躡已先驚崎嶇將欲至宏敞如相迎遙聽水聲外仙人吹玉笙松影落澗碧白石沙晶晶別辭得古字讀之不能明洞天列仙籍莫敢與之爭豈伊一天地乃與無名并信知無名氏深闕以儲精

鑑谿涼亭洞

余子錦

幽境敞涼亭應非達者意事有幸不幸誠當安命義鑑谿路中亭非可理煙翠適余坐其中息肩寬夫騎清風與之



俱石氣倏而異豈識穢穢間接檐卽洞次洵步察淺深忽  
然移聽視玉沙亂種田鐘乳難計器一折轉而上玉華倒  
垂穗一朵與萬朵朵朵看欲墮隨日金玲瓏泉筍雪嫵媚  
置之水竹涯性命不可易何爲泯風塵一似泥丸闕異代  
俟知音吾願爲之記

漁潭晚釣

月生 潘亮淵 月山人

一帶煙霞曲潭平艇不流天光映水白山影共雲浮月照  
一川靜漁歌兩岸幽長年閒釣此何事著羊裘

湘東克衡也衡盜倚爲巢克之武功將成也八解選

大學士 陳廷敬 子端

沅陵縣志

卷六 藝文

二

東西合師進次於沅孳童日感怙克忍頑左搗其虛右攻  
其堅載關載祓會於中權

旣克於沅沅人嬰嬰如日之升如霖遇晞以肉其枯以勅  
其羸式歌且舞以樂我師

辰陽道中雜感

知縣 程 封 伯建

我馬歇辰陽遙望沅州路八蠻煙瘴間微茫阻雲樹憶昔  
馬伏波邁年此征成功業在垂成竟爲讒夫誤

沅陵道中

空山三百里不見一人耕翡翠窺魚立獼猴摘果行鸞弓  
無暴客跋扈見防兵廢壘前朝設愁聽杜宇聲



淘飯鋪

五溪炎熱地迢遞去偏遲蔓草村村合枇杷樹樹垂入山  
樵徑斷度馬野橋危古驛茅茨下廚煙借午炊

宿辰州

此地疲征戍經過感廢興諸蠻通永順古邑見沅陵江漲  
五溪雨城開一夜燈停驂安旅宿山影暗層層

辰龍關

鬱盤鳥道中忽覩巉巖削雙聳若天門神工斧斤鑿攢刺  
鋸戟橫摩厲成鋒鏑清冥杳無垠恠雨從空落一徑折霄  
光絕壁盡倒却千仞感孤危不敢棲猿獮攀躋坂益敬數

沅陵縣志

卷六

藝文

三

武困行脚喚彼銅馬餘持鐵倚木閣狼鼠嶮一隅俄就官  
卑縛於今走輕車亭午氣頽索白日景蔽虧一步一猶惡  
瞬息度層關鬢髮恐非昨

辰龍關

進士雲  
南推官

張一鵠

友鴻  
華亭

天地金湯險出來王氣鍾五丁開絕塞二酉抱辰龍亂眼  
奇峯過驚心暑瘴重興亡千古在立馬倚長松

過清浪灘

貢生

胡紹安

漢陽  
人

落日清浪路舟人意亦煩狂波鷗鷺狎亂石虎狼蹲網集  
潭無岸牛歸樹有村勞勞費牽挽咫尺泊誰門

沅陵學署歲暮感懷

縣教

向兆麟

石村  
京山



我行五溪上飲馬五溪湄寒風吹白日老樹空鳴悲欲濟  
招舟子河凍冰纍纍鵝鵝下漁梁得魚相追飛歲儉無竹  
實鸞鷺恆朝饑男兒不得志十事常九違况復值歲暮落  
落成孤羈逢人強歡笑相視甯相知煩憂欲銷骨坐覺朱  
顏衰仰觀塞外鴻尙有北旋期亦見飛蓬根因風還故溪  
而我長鬱鬱日夕徒裴回裴回亦何爲遠遊不如歸

沅陵深溪行

向兆麟

四十八渡深溪水

且

行人朝暮還涉此今我何爲渡此溪

褰裳濡足嗟未已憶昔履畝清豪強兼并未除徒滋累致  
使維正缺常供坐令窮氓困轉徙邇者承檄催積逋滿眼

沅陵縣志

卷四六 藝文

四

凋殘盡榛枳一二哀鴻苦嗷嗷劬勞孰爲集安止不合天  
地終無情眼枯見骨將及髓更聞野老吞聲言語未及終  
淚瀾瀾三壤則賦古常經用一緩二良有以豈意無田更  
增科况復吹毛索瘢痕 今上聖明官長賢天和可召  
人自理我輩盡是涓良民揭竿走險實深恥長官溫語甚  
懃勤努力輸將事耘耔扶杖願觀德化成疲瘵所緩須臾  
死我聞斯語三太息撫后虐仇存大旨民勞自宜念小休  
司牧詎容秦越視千古誰爲元次山春陵一作具端委後  
來請誦深溪行芻蕘可採幸無鄙

山水吟留別何辰州司馬

向兆麟



三崕嗟峨帶泉石鶴鳴嶽嶽鄰咫尺中有嘉樹茂林森青  
葱外有溪流奔迅浪花白龍眠先生拄笏看翠微煙靄當  
几席入座清香冷然來一琴一鶴自朝夕我聞政簡物始  
閒何況襟期似雪滌玉壺映冰心庭階行鳥迹佐郡餘閒  
還游又循良聲價爭膾炙龔黃卓魯其前身七邑仁看起  
凋瘵習尚旣淳古清書有餘適衙齋長嘯發浩歌驚人硬  
語橫空碧落紙挾奇葩風流聲籍籍公本桐江古世家鳳  
池絲綸信赫奕兩世湛恩逮楚人小草甯忘三春澤賤子  
樗散真不材一瓊拓落羣啞啞惟公謂我殊瓌奇雞羣之  
鶴終高翮豈曰文章信有神應知相馬匪常格感切嘘植

沅陵縣志

卷六

藝文

五

激青雲伏櫪驥首思鞭策秋風獵獵吹寒江天路迢迢望  
紫陌安得奏賦明光宮珥筆爲咏綉衣薦驅駒歌起煙蒼  
茫山高水長永無斃噫獻欬山高水長永無斃

冬日登鳳凰山

向兆麟

其有登臨興招攜得得來寒風吹絕壑白日澹高臺緱嶺  
空相憶鳳凰安在哉祇令詞賦客遙憶謫僊才

月夜泊白龍巖

向兆麟

扁舟當晚發真似汎滄溟岸月欺霜白江燈入水青圓沙  
喧鳥語怪石帶龍腥孤泊情難遣長歌對綠醺

好景樓晚眺

向兆麟



涼風吹我上高樓好景凭欄一望收楓葉紅翻殘照冷蘆  
花白映碧溪流江山名勝千年郡雲樹蒼茫萬壑秋却笑  
仲宣工作賦等閒猶是歎羈愁

望明月山高閣

向光麟

危峯壁立峙江干高閣嵯峨俯急湍絕頂雲歸宜其宿中  
天月淨好同看舟過疑有仙風引塵遠惟聞梵唄寒他日  
重經須記取短筇扶我上嶠巒

晚泊白沙同劉九晚彭殿掄舟次小飲醉後漫作

野鷺閒鷗靜不猜水光雲影共徘徊懸知一枕蘆花夢應  
勝三更畫角哀翦燭題詩渾漫興隔船呼酒盡餘杯夜闌  
沅陵縣志

卷六

藝文

六

更向蓬窗望直擬浮家到釣臺

西江竹枝詞

向光麟

灘高水淺石嵯峨曳牽蠻兒裸體多半係船頭齊上岸  
擊打鼓祀伏波

絳帕蒙頭逐大儺明燈千盞繞山阿綠章封事詞應俚誰  
返騷魂易九歌

丹崖齒齒石粼粼結構漁梁據水津看取赤鱗剛六六先  
教頭尾祭江神

晚行楊溪

向光麟

片石孤雲外長松古道間暝煙初出水返照欲銜山文酒



消羈思風塵老壯顏篝燈通比屋殊愧野人閒

望明月峯

知府 余 模 範九邑人

杜席桃源路孤峯出眾山虹橋通澗外鳥道繞雲間法靜魚龍臥機忘猿鳥閒月明塵不到何日其君攀

秋行西溪

余 模

碧天雲洗淨潭水鏡同明荇藻浮殘綠遊魚漾晚晴山容秋後瘦蟬語暮來清逸興悠然遠還深萬古情

春步辰山

余 模

久逐風塵客初還景物新老農耕嫩綠眾鳥喚重茵未歷他鄉苦安知故國春晚來牛背笛偏愛遠歸人

沅陵縣志

卷六 藝文

七

馬底驛

程 封

輪蹄何處夜深來燈火喧闌弄酒杯漢帝當年偏黷武蠻山瘴嶺一齊開

歸白田居

知縣 馬上彥 學先邑人

子影歸來書是伴無人共語戶常關依稀往事真如夢靜坐虛窗對遠山

清浪灘

拔貢 楊 瑞 觀班龍陽

三里聞灘聲亦不甚沈瀼峯迴乍見之怒石莽背向石怒不可將水怒不得上水石互相怒虎豹潛震蕩爪牙森開張雷雨為激盪偈仄坐方舟未覺心悵惘人生蹉跎憂性



命詎相枉涉險會所適驗心同有象迴顧四山巔但覺煙  
蒼莽念茲膚髮身忠信那堪放

上灘行

辰州太守朱國柱 襄平人

天南有五溪開自伏波始頑山塞地生一水流如駛水面  
出山峯豁訝排利齒奔湍激羣石怒號聞數里勢若沸鼎  
然險同航海似舟行幾遐巡榜人爲予啟斯號甕子洞過  
此清浪是前途著名灘不勝屈其指我聞駭且愕心驚顛  
欲泚舵樓白髮翁焚香及錢紙雪浪擁船高百夫曳不起  
大呼齊著力空山叫野鬼五體投地來且行復且止磴道  
不容足鐵繩蕩平水人生貴達觀戒心誠多事宦途走棘

沅陵縣志

卷六 藝文

八

林世情悲劍米處此不知危懍懍洵之渙自浮酒千觴癡  
腸爲一洗

道經伏波廟

同知蔣景祈 京少武進

雲臺圖功臣椒房獨未許示公轉見私遠嫌亦何取龍蛇  
方鬪爭幾先擇真主回翔竟不歸風雲會軒舉五溪阻且  
深一鼓氣如虎顧盼惜壯年夔鑠勇堪賈慧苴蜚語騰宮  
側起讒蠱公匪一將榮犀貝何足數松固乳臭子毋乃累  
建武薄遊沅江濱靈祠立江澗遺事徵故老英風尙千古  
慨然懷昔賢功名想銅柱

虎谿尋王文成公書院舊趾

教諭張佳晟 晉天廣濟



遙望虎谿上萬樹攢雲枝乍聞清磬響天風下只憇荒簷  
羅鳥雀徘徊起幽思萬里龍場客書堂千古巋林木爭摩  
戛俎豆歲紛披念公遠謫日讜論已昭垂勲業日以大微  
言人莫窺如泉隨地湧大道足扶衰上有晴日約下有清  
風揮旂常每掩映哲人終不萎我來長太息撥草捫殘碑  
臨風一灑涕細咏當年詩

過薛文清公祠

張佳晟

明興百載後大儒推文清道德以中蘊文章自夙成魏范  
結小友峻節邵文貞從此振風紀辰沉表使旌本爲探礦  
至累牘乞罷征其言何利溥其志何忠誠奧義隨手錄課

沅陵縣志

卷六

藝文

九

士惟躬行愚蒙日漸發絃歌滿荒城莫謂邊徼僻千里留  
芳聲令德堪仰止壇坫望崢嶸俎豆嚴伏臘碑版尙鏗鏘  
况復旅寓客繼起有陽明遐方何獨幸先後頌大名我來  
追芳躅榛棘已縱橫俛首拾瓦礫蹇步走猘鼯愴然三歎  
息古道詎終傾起衰更誰望應其此持衡

鶴鳴山房初成

張佳晟

鳴鶴山猶在閒情只獨知茗香成野趣梅信發幽思月挂  
五溪近雲探二酉奇小春時自得欲語話襟期  
旅愁誰共遣坐我碧窗中雨過竹煙淨鳥啼山影空淡雲  
疎古木僻徑落清風莫怪先生冷高吟興未窮



五溪秋聲

潘國祚 燕邨 江夏

秋氣何蕭森風雨時間作散步高齋中曳履聲窸窣鄉夢  
夜來多晨起追無着山色滿牆頭花光近籬腳小鳥時啁  
啾迴翔聚叢薄萬物固歸根吾生將焉託詩書誠何用垂  
老增寂寞願言東歸去乘風駕黃鶴

沅陵舟中

潘國祚

日月無全照煙霞必半空水涵鸚鵡綠山放杜鵑紅人語  
虛無裏帆開縹緲中溪山情不淺名與漫郎同

辰州江上巖屋

麻陽 舒芝生 廣濟

小屋緣巖立懸梯百尺餘俯視大河水置身於空虛凌波

沅陵縣志

卷六

藝文

十

構層樓蝸壁真相如有沈香船阿誰此釣魚古人惟釣  
適故傍巖中居羊裘嚴子陵時停王者車

送張晉天任沅陵廣文

檢討 金德嘉 廣濟

沅陵廣文解纜去拄席直到沅陵城沅陵昔有龍標尉至  
今城尚龍標名雲樹漠漠五溪水廣文南向五溪行茗飲  
坐看溪花放藜牀臥聽溪鳥聲長歌短詠詩千首開軒下  
榻延諸生何人捫蘿小西洞採取祕藏宸箱巖校讐可以  
儷墳典寶之不啻楚白珩悉君家世此書癖藕花陂上充  
閑闕雲巔上策如賈誼日菴稽古如桓榮以此腹笥方腴  
味珍錯頗似樓君卿壯哉此行增插架熊光出短鐙檠



有官獨冷亦不惡俸錢粗足代躬耕况復冥謏百稱意書  
帶草間緝湘蘅望氣中宵泰階平風前月下聞鼙笙洞庭  
南北六千里詞場無席容饑僮君去老夫仍無暇操觚雜  
記是西京

登虎谿山尋王文成公遺蹟

貢生 康仲瑋 次琦 邑人

何處龍場客杖藜過虎谿講堂空夕照雲樹接禪栖風氣  
開千古英雄藉品題一燈輝道統茅塞薙山蹊

同馬雲澤先生登小西藏書洞

康仲瑋

雨餘苔軟路非賒其覓藏書探妙華數里灘聲奔萬馬幾  
村煙景出千家展前石磴穿林籟澗上飛虹接遠霞行到

沅陵縣志

卷六 藝文

十一

記巖最高處洞門深鎖靜無譁

酉溪蚤發

康仲岱 邑人

解纜星初落波光映碧天晴霞籠蚤樹衰柳起殘煙野犬  
迎人吠漁舸傍水眠江鄉憑眺望曙色滿平川

丹山閣

貢生 黃道恆 聖濟 邑人

丹壁浮江面山嵐疊幾層巖窩新架閣石徑舊敬藤邑小  
餘風古雲深半隱僧幽然仙境在塵世竟何曾

和張晉天廣文遊鳳凰山韻

黃道恆

昔年曾眺此山阿半壁東南一望過何處碧梧棲鳳翼空  
餘老衲寄雲窩天邊春色杯前落溪上村煙樹裏多此日



勝遊誰得似到來塔影尙嵯峨

小酉洞

知縣舒宏訓 慎齋

遙遙古洞隱高邨鳥速山前試一遊芳草久依書帶綠野  
花猶傍石渠幽林開薄霧天初曙風捲殘煙雨乍收一片  
赤霞飛嶺上光華爛漫滿滄洲

遊龍泉山值雨

舒宏訓

霧壓青山曙色微東風吹面雨霏霏林花溼處迷村徑極  
浦澄時隱石磯曾向陽春歌白雪何妨金鎖解征衣投醪  
不盡酩酊意一任馬蹏送晚歸

水心寨

總督查弼訥 敏夫  
長白

沅陵縣志

卷六 藝文

十一

萬山羅清江此山插江起一點破翠微蒼鷲盤雲裏

北河山行

知縣馬上彥 聖先  
邑人

石徑荒涼過短岑林間花鳥亦知心登高欲與穹天近入  
谷方知大地深滴滴瀑來晴似雨層層雲繞曉猶陰前征  
問有誰相伴一味蘭開香滿襟

沅陵署中偶成

邑令于廷弼 南濱  
滿洲

晚衙星月瀉長天聊寄清心出五絃花下詩成和露草牀  
頭酒盡擁書眠文從遊覽增雄思人向風塵練少年莫道  
高粱無吏治好將民隱寫濤箋

辰州戎署對客山有作

守備馬捷 華亭  
人



耽幽長日掩柴關翠黛橫空一水間入社有心翻白雪逃  
名無計買青山雨過疊嶂恣吟興雲鎖晴嵐照客顏薄暮  
更須凭遠眺依微纖月趁斜灣

虎谿懷古

馬捷

巖畔蕭森翠影圍荒簷空見野禽飛龍場客去苔煙冷鹿  
院僧攜隴月歸吟徑只堪埋斷碣講堂猶是照斜暉白雲  
縹緲悲陳跡可是當年古樹非

登鳳凰山偕同城諸友分韻

馬捷

郭外風微趁曉寒朱旂列隊擁晴巖千尋塔影遙清漢百  
道霞光瀉碧湍楊柳綠侵桑落酒棠梨紅映水晶盤天南  
沅陵縣志

卷六

藝文

三

繡嶺如新沐螺髻重重入醉看

夜度辰龍關

提督

俞益謨

嘉言  
甯夏

路入桃源盡是山衝寒破暝踏辰關捫將石磴迷高下緣  
乏藤蘿費躋攀歷落馬蹶行樹杪依稀星斗挂巖間車書  
一統遵王化何用嘔噉障百蠻

白龍巖

瀘溪  
令

邵時英

大興  
人

帝女巖前埋銀甕玉龍鼓鬣煙光動欲上青霄勢未能風  
雲何日來相送

下辰州坐麻陽船口號

朔州  
知州

蔣深

樹存  
長州

逆流好用船頭力下水偏將船尾行一葉不妨危地過此



心平處水皆平

過虎谿書院口占

趙念曾

西來爽氣透林時  
凭檻悠然動所思  
一自杖藜人去後  
從

誰更問致良知

文成公詩有杖藜  
一過虎谿頭之句

遊虎谿觀

知縣

唐效堯

衢尊  
長谿

白雲不斷虎谿路  
道士鎖門煙在樹  
蒼然秋色渡江來  
墮

入前林鳴磬處

清浪謁伏波祠

唐效堯

寂寞雲臺畫將軍  
尙有祠龍螭蟠俎豆  
風雨護旌旗  
水咽

明珠忽磯鳴馬革  
悲還當誇翼鏃莫悔據鞍時

沅陵縣志

卷六 藝文

古

清浪灘

唐效堯

沅江鎖瀆黔亂石  
碁在局舟如破陣  
馬隨人而屈曲  
箝猶

當中流向年鬼斧  
斲已驚雷迴怒夾版還相屬

雷迴夾版  
皆灘名

老蛟噴白涎盤渦  
不敢觸伏波有高祠  
門前兩黃纛  
舟子

匍拜誠割雞進雙燭  
忠節人豈知坐饗亦因俗  
遙望壺頭

山霏霽雲斷續須  
臾北風駛百丈免繭足  
踴躍舟子歡明

神祝所欲輕帆抱  
夕陽兩岸寒煙綠

對笏山獨酌

舉人

韓

价

雜蒔  
邑人

悠悠復悠悠此身渺  
何有嘯傲在羲皇  
且進杯中酒舉頭

望南山沈洄濡其首  
睥睨無二三醕酏常  
八九大塊倏如



馳莫比黃花壽我逕未荒蕪我田在南畝世事渾如此樽  
罍與瓦缶人生不百年曷戀彼五斗意惟靜者知蕭蕭門  
前柳

初入虎谿書院謁王文成公祠

瀘溪 教諭 費應泰 履齋 巴陵

有明三百年闡道感耆宿從祀四先生人猶未咸服文成

昔謫官講學此林麓揭出致良知三字堪三復如扼領下

珠如剖石中玉如劑達膏肓如噫臧林木前有薛文清理

學振頽俗懷古薦溪毛結宇同尸祝

公為監司時與學育  
士辰人德之故並祀

焉 盛傳美復彰春蘭並秋菊涓涓虎谿水鬱鬱西山谷君

子遺高風峙流共一幅美余實饑餒七年飽首藉此鄉有

沅陵縣志

卷六 藝文

十五

藏書荒遠不可讀瓣香古之人百世師芳躅登此乏塵尾

何堪作貂續

舟中望銀壺山

翰林 洪其哲 東村 玉屏

楚山凸凹路崎嶇楚江狹漭舟盤紆朗水開頭坐小艚匝

月風寒吹敝襦客囊羞澀我僕痲家園望遠勞馳驅銀壺

山名向來誣銀壺山色令人媿舟中目成如彼姝鬢髻紛

披態且殊我來正值春花敷買春到處喚提壺到此那得

空咿唔同舟況有高陽徒一斗一石興不孤

時與家商  
雪叔同舟 扣

舩一笑呼奚奴有酒即飲無酒沽看山把酒一蘆胡莫令

山靈嗤人愚



虎谿卽景和洪東村太史韻

辰州太守謝錫佐人通州

一棹溪煙入暮凝綠楊殘影動漁燈船頭小婦歌聲起絕勝當年唱采菱

轉得輕橈渡口來一帆南下一帆開鄭公朝暮居然便看掃長天雁盡回

明月灘頭紅蓼洲蒼波渺渺水雲浮秋來墮地霜花白尙有安眠兩岸鷗

清浪竹枝詞

費應泰

愁絕羊腸此日過野猫溶上路如何隻雞斗酒攜來久清浪灘頭賽伏波

沅陵縣志

卷四 藝文

十六

沅陵兩岸石壁上屋宇森列取道無從紀以一詩卽

寄陶適齋明府

乾州知州江恂于九儀徵

乘舟過沅陵兩岸多石壁壁上見樽榼結構奇觀闢堂廈宏以敞階梯列層石望之已百仞攀躋歎莫陟傳聞是神仙樓居絕塵跡吾意洪水災巢窟民安宅九江方未殷此地定莫測或云高尚人穿隙聲影匿踪跡託幽幻安居儼樂國桃源說避秦茲地究誰息辨訟待神君請君爲吾析

過清浪橫石諸灘

江恂

數徧山程復水郵沅陵乘夜指湘洲四圍山色三更月百里濤聲一葉舟佛火微茫叢樹合漁村零落暮煙收最憐



越險還思險晚飯遲炊倚舵樓

雲霧山觀霧

貢生

李茂林

密生邑人

孤岫出青霄噓吸通帝座百里衽席間長江如帶過渾天  
一氣中萬象窺不破光恠復陸離下有蛟龍卧縹緲三神  
峯萬古青不墮

辰山踏青

辰州同知王

櫓

青翰陽湖

楚南春暮綠陰稠萬壑千巖景色幽鯨閣曉鐘堪遠聽虎  
谿雲樹足閒遊伏波廟古丹心在新建祠荒道脈留雨後  
晴嵐增嫵媚憑高勝境望中收

馬伏波廟

雲南太守

王文治

夢樓丹徒

沅陵縣志

卷六

藝文

七

一代公侯易平生款段難江關三楚盡煙瘴五溪寒路已  
飛鳶跼山愁立馬看靈旗風雨夜猶似舊登壇

辰州舟中度歲

王文治

退歸真學舊桃符歲暮空江一棹孤雪好更宜晴後看山  
遙却映水痕無頻年官牘催晨夜此夕漁舟到畫圖休笑  
天涯成濩落屠蘇猶得共妻孥

縣署碧梧軒坐月

庠生

陳

旻

邑人

涼風吹露溼梧桐皓月遙橫碧落中一點青光千葉裏疎  
窗引動玉玲瓏

戊子仲春同友雲龍山賞桂

陳旻



晴光頻報隴頭秋  
載酒攜同勝侶遊  
路繞青山雲曲曲  
香來古刹韻悠悠  
座中玉液騰杯滿  
醉裏天花拂塵收  
領畧高風情不盡  
遲將清况月中留

虎谿書院晴望示諸生

虎谿山長 李旬龍 衡山華亭

曉天晴日照平臺  
俯瞰風帆繞檻開  
山鳥影從高嶺落  
寺鐘聲自下方來  
梧桐院外環青嶂  
薜荔牆邊長綠苔  
講席晝開同眺望  
置身何必問蓬萊

馬底驛

貢生 范東秀 伊黃杜林

樹開林鳥亂煙重  
野橋斜徑折多逢  
石香幽不見花青山  
天際落白霧馬頭遮  
相顧魂宜斷無由  
覓酒家

沅陵縣志

卷六 藝文

六

鶴鳴山房

張錫崇 廣濟人

我心何所適對此茂林中  
雲暖鳥聲細天清花影空  
虛亭留夜月垂柳飽清風  
誰識山前客長楊賦未窮

望小西山

張錫崇

西山遙入望蒼色自千年  
洞與閒雲閉屐從暮雨還  
峯頭微落日嶺外響流泉  
為憶仙翁在遺書竟渺然

香鑪山

瀘溪 顧奎光 雙溪無錫

松篁交午陰苔蘚石篆古  
洄洄繞江水濛濛出山雨  
翠屏當郭門黛色滿城櫓  
時聞發天香靈仙無處所

鐺架山

顧奎光



連峯勢輻輳鼎峙互崢嶸鳥道雲邊轉僧龕石罅成谷中  
聞碓響木末見樵行不厭看蒼翠初冬風日晴

浦市

長沙 戴元枏 選野 德清

浦市十數里遠望却無際斜屋承水形曲巷取山勢列市  
黃燈香臨江朱檻麗環翠暗清流落日明霞繡長天隻雁  
飛孤月浮雲蔽夜靜北風高冷然拂衣袂

松哦草堂雜詠

沈陵 林元燭 初畫 瑞安

憶余適官初丙子正月吉草草理行囊半綸辭蓬華薄宦  
苦修途未能攜家室親戚餞道周歸期間何日分袂別余  
季離懷不堪述鄉關日以遠旅店何蕭瑟回首望家山白

沅陵縣志

藝文

九

雲間東浙

王事迫程期愛兒不忍別宗武既知文家政亦能晰幸免  
內顧憂懷抱自怡悅有子足一夔但願賢而哲諫我以懷  
清勸我以履潔宦囊何必肥所貴惟功烈願言保寸心客  
途慎寒熱

楚天風色寒冬春相繼雪荒署在高山蕭蕭北風冽俯視  
凋瘵民鶉衣每百結獸炭以禦冬夜爐火不滅獨寐而寤  
歌布衾冷如鐵誰言居官樂仕途多曲折異鄉童僕親相  
對情悽切

武陵接辰陽舊是苗頑穴初任履巖疆窮民瘦見骨異地



風土殊蠻音多缺舌鞭撻黎庶悲莫教肌膚裂彼亦人之  
子何忍吸其血槽馬鳴蕭蕭奔走苦力竭驛使快鞭馳誰  
惜當官物越俎擔人憂使我中腸結

蠻鬪蝸之角王爭蟻之穴紛紛望我理堂下跪羅列短矜  
無完衣赤足頭不櫛遁詞本易窮何必巧言說不量力而  
進以訟受縲繼黑白既已分勝負既已決事後追悔遲徒  
供談笑舌所得不償失何如且守拙

每念臨民難一事籌累日既愁浸潤奸又慮庸懇譎左右  
善窺伺須防機事洩陽鱗未可親蠹吏何由絕請張情最  
幻覆盆不易雪何以折片言忠信與明決吾非王彥方何

沅陵縣志

卷六

藝文

二十

能化鼠竊

君子重立身官方貴植節毋謂清俸薄滴滴民膏血寶山  
勿空回仕途非金穴誰爲趙魏老誰能優勝薛月計苟有  
餘悃悞不嫌拙今之從政者漫自誇稷契

關口溪春眺

林元燭

桃李芳菲節我來關口溪一村分上下兩縣界東西種樹  
茶爲圃護田柳作堤此鄉衣食足春雨課耕犁

界亭署中遣興

林元燭

晴窗展卷愛朝曦轉瞬黃昏月半痕花落訟庭真逸吏草  
生公署是閒門四時偶著東山屐一歲幾開北海樽鄧禹



笑人知不免欲將懷抱向誰論

題界亭署旁伏波將軍廟壁

林元燭

每於朔望拜文淵一炷名香一縷煙古廟靈旗風自動深  
山俎豆帳空懸似公豈畏珠犀謗顧我慙非夔鑠年壯不  
如人今漸老無能只合守林泉

辰郡農家雜詠

林元燭

田田春水白漸漸秧鍼綠快我農夫心歡心動眉目牧童  
歸遠村牽牛入茅屋土鬆牛易犁今年春雨渥溪田無枯  
槲水車大十輻竹筒接上流輪轉聲漉漉芒種已插秧立  
夏栽包穀一粒成一株一株有十握荷鋤以墾山持斧以

沅陵縣志

卷四六 藝文

三

伐木懸巖絕壁間奔走如平陸男婦三五人相隨入深谷  
遠聞唱歌聲乃是採茶曲山中呱呱聲背篋小兒哭習慣  
成自然生者亦易育深山無文字童稚未解讀薪炭作筆  
書畫壁記數目聲教漸漸開鄉村有學塾二月方上館稻  
熟歸割穀念汝俗儉樸糲飯僅脫粟臘月宰年猪新春方  
食肉欲暖無輕裘飾觀無綺縠貧者盡茅茨富者僅瓦屋

課農

林元燭

不是山邊便水邊官閒無事即神仙春耕何處看圖畫少  
婦農忙也插田

題沅陵烈女杜小英詩傳後十一首之三



惟愁一死不分明浪死誰知杜小英  
隱忍暗吞紅豆淚漢陽江上好成名

投江還具女兒身白璧無瑕更足珍  
錦字不教波浪溼護持貞節有江神

自言生長在辰陽譜牒源流世系詳  
太史探風休錯簡密頭原是舊家鄉

小桃源

林元燭

小小桃源別有天數家雞犬入雲烟  
太平只解供耕織不種桃花但種田

題辰州郡署東閣

國學

席紹淦

少配常熟

沅陵縣志

卷四

藝文

三五

高閣凌虛起窗間四遠收翠屏  
圍嶺色素練拭江流春日花扶檻  
秋宵月滿樓全州皆在望一眺豁吟眸

虎谿書院

席紹淦

一塢深藏院陽明舊講堂虛窗松拂几  
殘碣蘚侵牆西洞窺書富辰溪接脈長  
名山聞白鹿此處共流芳

同諸友游小西洞

席生

劉應禮

渠東

峭壁枕深淵登高見洞天我來尋古調  
誰與話真僊碧嶺生嵐氣青峯集暮烟  
箇中人不見歸去夕陽偏

題黃刺史祠

劉應禮

青氣飄然過西陽當年名字憶甘棠  
神仙自古皆忠孝



儷於今尚廟堂不信凌虛成鶴馭遺留遺事在桐鄉羅山  
隱隱仙踪幻淡月清風人自忙

望記巖

劉應禮

不為藏書問有無巍然片石自清癯遙天雁字排空去淡  
寫青山入畫圖

宿白溶灘夜聽水聲

李旬龍

燈火微明近戍樓急灘淺溜撼輕舟離人有恨消難盡直  
共滔滔水北流

辰州詠古四首之二

中書

席世錦

撰圖  
吳縣

石別駕萬有

沅陵縣志

卷六

藝文

三

幕才不僅寄風流武備偏能五載修海盜避鋒驚別駕山  
民安堵活全州殘碑出土鬚眉在斷簡增名日月侔此日  
傳書標懋績古臣安攘足千秋

魏參將禎向遊擊友良唐守備良臣劉參議昇祚王

副使任杞楊知縣來鳳

忠蓋羣然萃一邦後先殉難姓名芳平蕪灑血丹心熱閣  
戶橫尸白骨香十載干戈餘憤懷千秋魂魄瘞蒼涼一編  
寂寞搜遺事濡筆山陬弔夕陽